

謚法通考

證法通考卷之八

雲間王 圻編輯

巴郡趙可懷校正

平湖孫成泰 郢中朱一龍

龍江王應麟 西陵吳

化 恭 開

北魏諸臣謚下

征虜將軍河東太守贈本將軍華州刺史尋陽伯趙  
超宗天水人世宗宣武特謚成

平西將軍汾州刺史贈安南將軍豫州刺史趙遐超

宗族孝明時謚襄

使持節散騎常侍都督豫州刺史征南將軍贈驃騎  
大將軍開府儀同三司蘭陵郡公裴叔業河東聞喜  
人世宗景明元年謚忠武

輔國將軍中散大夫贈平南將軍豫州刺史裴譚叔  
業子謚敬

渤海相雍丘縣子裴彥先叔業兄子延昌中謚惠恭  
渤海太守贈平南將軍豫州刺史觀津子裴瑜字文  
琬叔業弟之子謚定

京郡太守贈散騎常侍高城侯裴炯字休光叔業從  
孫孝昌三年謚簡

通直散騎常侍贈汾州刺史李彪字道固頓丘衛國  
人景明二年謚剛憲

都水使者將作大匠贈龍驤將軍青州刺史蔣少游  
樂安博昌人性機巧能刻畫制器景明二年謚質

揚州刺史贈侍中司空公昌國縣侯王肅字恭懿琅  
琊臨沂人景明二年有司奏肅貞心大度宜謚匡詔  
謚宣簡

散騎常侍光祿大夫右將軍幽州刺史兼秘書監給  
事黃門侍郎贈尚書左僕射司空公王誦字國章肅  
兄融之子孝莊初河陰遇害謚文宣

侍中贈尚書令司徒公王衍字文舒誦弟天平三年  
謚文獻

太常卿光祿大夫高閭字閭士漁陽雍奴人景明三  
年謚文貞一單謚文

贈梁州刺史追封安平縣子江悅之字彥和濟陽考  
城人正始二年謚莊

平陽太守贈光州刺史成淹字季文上谷居庸人正  
始時謚定

侍中駙馬都尉殿中都官尚書左僕射贈征南大將  
軍定州刺史中山王李蓋中山人謚莊

雍州刺史征南大將軍長安鎮大將贈使持節驃騎  
將軍開府儀同三司定州刺史中山公李惠蓋之子  
思皇后之父爲文明太后所忌見殺正始初贈官追  
謚壯

厲威將軍贈左光祿大夫渤海公高颺渤海脩人文

昭皇后之父宣武時追謚敬

贈安東將軍都督青州刺史高偃字仲游颺孫宣武  
后父正始中謚莊

假節行華州事贈南青州刺史李叔彪渤海蓆人永  
平四年謚穆

齊王開府諮議叅軍征東將軍兼散騎常侍贈驃騎  
大將軍儀同三司冀州刺史李象字孟則叔彪族興  
和三年謚文簡

大中大夫贈幽州刺史雲陽伯鄭演開封滎陽人謚

懿

通直散騎常侍雲陽伯鄭長猷演子永平五年謚貞  
光祿大夫平北將軍贈安東將軍齊州刺史徐塞字  
成伯丹陽人善醫延昌初謚靖

太常卿贈鎮東將軍徐州刺史劉芳字伯文彭城人  
世宗延昌二年謚文貞

安南將軍大司農卿贈徐州刺史劉懌字祖忻芳子  
謚簡

太尉司馬贈持節前將軍南秦州刺史劉懋字仲華



高 通 卷之八  
芳從子熙平二年謚宣簡

選部給事中贈安南將軍洛州刺史弘農公楊懿弘  
農華陰人謚簡

贈鎮西將軍雍州刺史華陰伯楊播字延慶懿子延  
昌二年謚壯

司空侍中尚書令贈大將軍太傅楊津字延祚播弟  
太昌初謚孝穆

尚書左丞金紫光祿大夫贈車騎大將軍儀同三司  
幽州刺史楊遁字山才津長子太昌初謚恭定

光州刺史贈都督豫郢二州刺史華陰男楊逸字遵道津次子太昌初謚貞

洛州刺史贈弘農公楊暉播族祖謚簡

七兵尚書北道大行臺恒州刺史懷朔鎮將軍臨貞縣伯楊鈞播族弟謚恭

都督東雍華二州諸軍事驃騎大將軍開府儀同三司華州刺史陽夏侯楊儉鈞子謚靜

齊州刺史贈兗州刺史汶陽縣伯孟昶字武建濟北蛇丘人延昌四年謚恭

高陽太守贈平遠將軍光州刺史劉文昇本平原人  
後家北海之都昌延昌中謚貞

都水使者贈洛州刺史韋雋字頴超京兆杜陵人肅  
宗孝明熙平元年謚貞

豫州刺史西僊縣男韋子粲字暉穆雋子謚忠

贈兖州刺史高密侯韋道福閔從叔謚簡

大中大夫行幽州事贈南兖州刺史杜縣侯韋欣宗  
道福子謚簡

鎮遠將軍太尉諮議參軍贈青州刺史霸成侯韋珍

字靈智閬族弟永平元年謚懿

長史兼尚書贈撫軍將軍雍州刺史陰盤縣男韋彧  
字遵慶珍子孝昌元年謚文

侍中雍州刺史杜縣子韋肱字遵顯彧弟永安三年  
謚宣

冠軍將軍尚書左丞贈安南將軍并州刺史高都公  
慕容琚謚簡

都督朔州刺史定陶男慕容契琚孫熙平元年謚克  
寧朔將軍步兵校尉贈龍驤將軍朔州刺史劉社生

代人熙平初謚克

光祿大夫贈平西將軍秦州刺史乘氏伯席法友安  
定人熙平二年謚襄

征南將軍金紫光祿大夫散騎常侍贈征東大將軍  
鄂州刺史曲陽縣伯田益宗光城蠻熙平二年謚莊  
散騎常侍安東將軍瀛州刺史贈撫軍將軍雍州刺  
史濮陽縣侯夏侯道遷譙國人熙平年謚明

尚書右僕射侍中車騎大將軍贈司空靈壽縣公于  
忠字思賢本字千年代人肅宗神龜元年謚武敬

忠卒有司奏太常少卿元端議案謚法剛強正直曰  
武怙威肆行曰醜宜謚武醜公太常卿元修義議忠  
盡心奉上剪除凶逆依謚法除僞寧真曰武夙夜恭  
事曰敬宜謚武敬公二卿不同靈太后令依正卿議  
征北將軍定州刺史贈司空于勁字鍾葵忠從父謚  
恭莊

鎮南將軍肆州刺史于頔勁弟謚武

征東將軍贈都督冀定二州諸軍事衛將軍尚書僕  
射儀同三司于昕忠從父敦之子天平中謚文恭

通直散騎常侍贈右將軍洛州刺史于礫忠從父果  
之子謚哀

司徒掾贈鎮遠將軍朔州刺史于祗礫弟謚悼

光祿大夫贈瀛州刺史孫惠蔚字叔炳武邑武遂人  
神龜元年謚戴

司徒公侍中贈假黃鉞使持節侍中相國都督中外  
諸軍事太師領太尉公司州牧太上秦公胡國珍字  
世玉安定臨涇人靈太后父神龜元年謚文宣

殿中尚書中書監侍中贈開府儀同三司雍州刺史

東平郡公胡祥字元吉國珍子謚孝景

中書監侍中贈太師太尉公錄尚書事雍州刺史濮陽公胡僧洗字湛輝國珍兄子天平四年謚孝真岐涇二州刺史贈太師太尉公錄尚書事臨涇公胡寧字惠歸僧洗子初謚孝穆後以女爲清河王亶妃改謚孝昭

司空公贈太傅太尉公尚書僕射徐州刺史安陽侯胡虔字僧敬寧之子興和三年謚宣

冀州刺史贈司徒公錄尚書事定州刺史陽平郡公



胡盛字歸興寧弟謚懿穆

光祿大夫征西將軍贈使持節衛將軍冀州刺史平  
陸侯張彝字慶賓清河東武城人神龜二年爲其子  
仲瑀欲排抑武人羽林軍士捶辱之因卒謚文  
尚書郎贈樂陵太守張始均字子衡彝子神龜二年  
爲羽林軍士投於火卒謚孝

中山內史加平北將軍贈豫州刺史慎縣伯王世弼  
京兆霸城人肅宗正光元年謚康

光祿大夫贈撫軍將軍青州刺史高聰字僧智本渤海

海蔭人後家北海之劇縣正光元年謚獻

殿中尚書贈尚書右僕射崔休字惠盛正光四年謚  
文貞

岐州刺史贈平東將軍濟州刺史劉道斌武邑灌津  
人正光四年謚康

前將軍贈輔國將軍太常少卿楊固字敬安北平無  
終人正光四年謚文

司徒侍中國子祭酒贈太傅尚書令驃騎大將軍開  
府冀州刺史平恩縣侯崔光本名孝伯字長仁孝文

賜今名東清河鄒人正光五年謚文宣

征虜將軍平州刺史贈使持節征東將軍齊州刺史  
崔長文字景翰光從祖弟天平初謚貞

尚書僕射贈車騎大將軍儀同三司崔亮字敬儒清  
河東武城人明帝時謚貞烈

龍驤將軍贈都督青州刺史五等男崔士恭亮子建  
義初河陰遇害謚文肅

侍中贈司徒公尚書左僕射甄琛字思伯中山無極  
人正光五年謚孝穆 初琛謚文穆吏部郎袁翻駁

奏改爲孝穆案禮謚者行之迹也故闔棺然後定謚  
若累其生時美惡所以爲將來勸戒身雖死使名當  
存也凡薨亡者屬所卽言大鴻臚移本郡大中正條  
其行跡功過承中正移言公府下太常部博士評議  
爲謚列上謚不應法者博士坐如選舉不以實論若  
行狀失實中正坐如博士自古帝王莫不殷勤重慎  
以爲褒貶之實也今之行狀皆出自其家任其臣子  
自言君父之行無復相是非之事臣子之欲光揚君  
父但苦跡之不高行之不美是以極詞肆意無復限

量觀其狀也則周孔聯鑣伊顏接袵論其謚也雖窮  
文盡武罔或加焉然今之博士與古不同惟知依其  
行狀又先問其家人之意臣子所求便爲議上都不  
復斟酌與奪商量是非致謚號之加與汎階莫異專  
以極美爲稱無復貶降之名禮官之失一至于此按  
甄司徒行狀至德與聖人齊蹤鴻名共大賢比迹文  
穆之謚何足加焉但比來贈謚於例頗重如甄琛之  
流無不複謚謂宜依謚法慈惠愛民曰孝布德執義  
曰穆宜謚曰孝穆公自今以後明勅太常司徒有行

狀如此言辭流宕無復節限者悉請裁量不聽爲受  
必準人立謚不得甚加優越復仍踵前來之失者付  
法司科罪從之時孝明帝正光五年也

車騎將軍北徐州刺史贈驃騎大將軍儀同三司瀛  
州刺史甄密字叔雍琛從父弟興和四年謚靖

開府徐州大都督贈太尉公魏昌縣伯李崇字繼長  
頓丘人肅宗孝昌元年謚武康

武衛將軍給事黃門侍郎領中書舍人贈侍中司空  
公湘州刺史李神軌崇子河陰遇害建義初謚烈

尚書右僕射加散騎常侍贈侍中驃騎大將軍儀同  
三司冀州刺史武邑郡公李平字曇定崇從弟熙平  
元年謚文烈

高陽王友贈洛州刺史李邕字脩穆平之子謚文  
光祿大夫右丞持節西道行臺贈平北將軍幽州刺  
史張普惠字洪振常山九門人孝昌元年謚宣恭  
侍講中書舍人贈尚書左僕射賈思伯字士休齊郡  
益都人孝昌元年謚文貞

侍中贈尚書右僕射司徒公營陵縣男賈思同字士

明思伯弟興和二年謚文獻

使持節平南將軍兖州刺史假彭城公贈撫軍將軍  
衛尉卿畢元賓東平須昌人謚平

贈冠軍將軍徐州刺史鉅平侯畢衆愛元賓從父謚  
康

軍司馬贈散騎常待兖州刺史鉅平伯畢聞慰字子  
安衆愛子孝昌元年謚恭

使持節征西將軍贈車騎大將軍開府儀同三司定  
州刺史新豐子崔延伯博陵人沒於陣肅宗孝明時



謚武烈

懷朔鎮將宇文福河南洛陽人其先南單于之遠屬  
孝明時謚貞惠

寧陵令石祖興常山九門人靈太后朝以李韶奏謚  
恭

使持節散騎常侍都督揚州刺史征西將軍贈使持  
節車騎將軍儀同三司雍州刺史東光伯郭祚字季  
祐太原晉陽人爲于忠所害靈太后臨朝謚文貞  
平北將軍羊祉字靈祐太山鉅平人靈太后朝謚景

初太常少卿元端博士劉臺龍議謚曰社志存埋輪  
不避強禦及贊戎律熊武斯裁仗節撫藩邊夷識德  
化沾殊類襁負懷仁謹依謚法布德行剛曰景宜謚  
爲景侍中侯剛給事黃門侍郎元纂等駁曰臣聞惟  
名與器弗可妄假定謚準行必當其迹按社志性急  
酷所在過威布德罕聞暴聲屢發而禮官庸述謚之  
爲景非直失於一人實毀朝則請還付外準行更量  
虛實靈太后從之於是端臺龍上言竊惟謚者行之  
迹狀者迹之稱然尚書銓衡是司釐品庶物若狀與

迹乖應抑而不受錄其實狀然後下寺依謚法準狀  
科上豈有舍其行迹外有所求去狀去稱將何所準  
檢社以母老辭藩乃降手詔云卿綏撫有年聲實兼  
著安邊寧境實稱朝望及其歿也又加顯贈言社誠  
著累朝效彰內外作牧岷區字氓之績驟聞詔冊褒  
美無替倫望然君子使人器之義無求備德有數德  
優劣不同剛而能克亦爲德焉謹依謚法布德行剛  
曰景前議爲允司徒右長史張烈尚書李韶等又列  
奏靈太后乃從前議

王長史贈平東將軍兖州刺史羊靈引社弟謚

廣平太守贈衛大將軍吏部尚書兖州刺史羊敦字元禮社弟子興和初謚貞

鎮北大將軍內外三都大官贈幽州刺史長進侯奚直河南洛陽人其先代人謚簡

撫軍大將軍河南尹贈都督冀瀛滄三州諸軍事驃騎大將軍司空冀州刺史追封壽張縣侯奚康生直之子爲元乂所害靈太后反政追謚武貞

殿中尚書右光祿大夫贈司空封回渤海蔣人河陰  
遇害敬宗莊帝初謚孝宣

平北府長史贈殿中尚書封興之字祖胄回之子孝  
昌中謚孝

齊州刺史贈太保封隆之字祖裔回之子武定三年  
謚宣懿

青州刺史贈使持節都督冀殷瀛三州軍事驃騎大  
將軍尚書左僕射司徒冀州刺史封延之字祖業隆  
之弟興和二年謚文恭

侍御長贈定州刺史章武侯封湮伏人謚隱

通直散騎常侍冠軍將軍西南道慰勞大使贈使持  
節都督梁益巴東梁四州諸軍事車騎大將軍儀同  
三司梁州刺史河陽縣侯李苗字子宣梓潼涪人壯  
帝時爾朱世隆之亂浮河而歿謚忠烈

東梁州刺史贈益州刺史淳于誕字季通其先泰山  
博人後居蜀漢或安國之桓陵後宗二年謚莊  
洛陽令贈滄州刺史陽關男高崇字積善渤海蓆人  
永安二年謚成

國子博士贈營州刺史陽關男高謙之字道讓崇之  
子爲李神軌構陷賜死靈太后時謚廢

右將軍南幽州刺史贈司空冀州刺史韋旭京兆杜  
陵人永安時謚文惠

使持節侍中車騎將軍假儀同三司前鋒大都督趙  
平郡開國公費穆字朗興代人元顥以河陰酷濫事  
起於穆殺之莊帝贈侍中司徒公謚武宣

滄州大中正兼尚書左僕射西道大行臺贈開府儀  
同三司青州刺史樂陵郡公朱瑞字元龍代郡桑乾

人普泰元年爲爾朱世隆所殺太昌初謚恭穆

太傅贈大司馬錄尚書三十州諸軍事侍中恒州刺史恒山郡王斛斯椿字法壽廣牧富昌人孝武時謚文宣

豫州刺史贈司空公桑乾縣公斛斯元壽椿弟孝武西巡時爲部下所殺謚景

司農少卿光祿大夫董徵字文發頓丘衛國人孝武永熙二年謚文烈

幽屏營安四州行臺燕郡公贈尚書左僕射儀同三



司幽州刺史劉靈助燕郡人善卜筮永熙二年謚恭  
右光祿大夫贈尚書左僕射新昌子孫紹字世慶昌  
黎人永熙二年謚宣

左光祿大夫散騎常侍驃騎大將軍贈儀同三司定  
州刺史魏子建字敬宗鉅鹿下曲陽人永熙三年謚  
文靜

光州刺史魏鸞字雙和子建族父謚夷

開府儀同三司贈司空雍州刺史華陰男楊騰弘農  
人文帝之舅謚貞襄

隴右府長史壽張縣子張軌字元軌濟北臨邑人恭  
帝時謚質

秘書監車騎大將軍儀同三司美陽縣男柳蚪字仲  
盤河東解人恭帝元年謚孝

并州司會并州總管府長史康虞縣公柳帶韋字孝  
孫蚪弟鶯之子謚愷

宜州刺史贈鄜綏丹三州刺史柳慶字更興蚪弟謚  
景

御史中尉肆州大中正開府西道行臺僕射贈太保

太尉公錄尚書事冀州刺史劉貴秀容陽曲人東魏  
孝靜帝興和元年謚忠武

領軍將軍贈太師大司馬太尉錄尚書事万侯洛太  
平人其先匈奴之別種興和初謚武

衛大將軍東徐州刺史贈驃騎大將軍司空公兖州  
刺史張燿一名熠字景世自云南陽西鄂人興和三  
年謚懿

驃騎大將軍儀同三司豫州刺史贈司徒堯雄字休  
武上黨長子人興和四年謚武恭一卑謚恭

安州刺史贈使持節督滄瀛二州諸軍事尚書右僕射滄州刺史樂城郡公堯傑字壽雄從父兄謚缺  
臨洮太守贈龍驤將軍堯遵雄從父謚恩

主書郎贈建武將軍定州刺史高邑子堯方生謚敬  
備大將軍中書令贈驃騎大將軍開府儀同三司都  
督幽州刺史山偉字仲才河南洛陽人其先代人孝  
靜時謚文貞

滎陽中山太守贈衛大將軍都官尚書瀛州刺史蘇  
淑字仲和武邑人孝靜武定初謚懿

侍中太子太保開府儀同三司贈司空蘭陵郡王蕭  
正表字公儀梁武帝弟武定七年奔魏其冬卒謚昭  
烈

徐州刺史贈青齊二州軍事司空青州刺史王則字  
元軌太原人武定時謚烈懿

北海太守贈驃騎大將軍洛州刺史辛珍之隴西狄  
道人武定時謚恭

秦雍二州刺史遼西郡公贈假黃鉞太宰燕王馮朗  
遼西人文明太后之父太后臨朝追謚宣

儀同三司雍州刺史右衛大將軍贈侍中司空公涇陽縣公皇甫集謚靜

金紫光祿大夫贈中書監幽州刺史祖慎范陽人謚惠

扶風太守贈鎮西將軍遼西公常亥遼西人高宗乳母常太后曾祖謚簡

渤海太守贈侍中征東大將軍太宰遼西王常澄亥子謚獻

平州刺史遼西王常英澄子謚平

河中太守贈岐州刺史柳崇字僧生河東解人謚穆  
安東將軍光祿大夫贈衛大將軍雍州刺史柳暢字  
叔智崇族子謚穆

殷州刺史贈司空彰武伯綦儁字擲顯河南洛陽人  
其先代人謚文貞

平東將軍營州刺史贈平南將軍并州刺史建安公  
張偉字仲業太原中都人謚康

衛將軍本州大中正兼廷尉卿贈太僕卿濟州刺史  
竇瑗字世珍遼西遼陽人謚明

中書侍郎新豐侯贈相州刺史魏縣侯杜銓字士衡  
京兆杜陵人謚宣

河東太守贈都官尚書豫州刺史杜遇字慶忌銓子  
謚惠

河西王右丞相清水公宋繇字體業敦煌人謚恭  
扶風太守贈涼州刺史索敞字巨振敦煌人謚獻

敞曾爲助教故舊同學生等爲之請謚

燕郡太守贈徐州刺史崔隆宗清河東武城人謚孝  
河間王長史贈左將軍安州刺史路恃慶字伯瑞陽



平清淵人謚襄

北齊帝后謚

高祖神武皇帝姓高名歡字賀六渾渤海脩人仕魏  
爲相國封齊王武定五年薨謚獻武王天統元年改  
謚神武皇帝 竊皇后名昭君武成大寧二年崩謚  
明

世宗文襄皇帝名澄字子惠神武長子仕魏爲相國  
封齊王武定七年爲梁將蘭欽子京所殺八年謚文  
襄王天保元年追尊爲文襄皇帝 元皇后魏孝靜

帝之妹文宣受禪尊爲文襄皇后後文宣又淫於后  
武成中卒謚敬

顯祖文宣皇帝名洋字子進神武次子以天保元年  
受魏禪十年暴崩於晉陽廢帝乾明元年謚文宣天  
統初詔改謚景烈廟號威宗武平初復本謚號顯祖  
后李氏爲武成所亂後爲尼

孝昭皇帝名演字延安神武第六子乾明元年少主  
被廢遂卽帝位皇建二年崩於晉陽宮大寧元年謚  
孝昭初孝昭崩魏收議謚爲恭烈裴澤抗論曰魏

收死後亦不肯爲恭烈之謚何容以擬大行且比皇太后不豫先帝殯寢失常聖躬貶損今者易名必須加孝遂改爲孝昭

世祖武成皇帝名湛神武第九子以皇建二年卽位河清四年傳位太子天統四年崩謚武成

北齊宗室謚

清河王岳字洪畧神武從父弟魏侍御中散翻之子天保六年謚昭武

趙郡王琛字元寶神武弟以亂神武後庭杖而卒天

平時謚貞一謚貞平

陳留王惠寶琛母弟天統三年謚文恭

長樂太守贈大將軍司空靈山字景高神武族弟謚  
文宣

陽州公永樂神武從祖兄子謚武昭

永安王浚字定樂神武第三子以直諫爲文襄所誅  
乾明元年謚簡平

平陽王淹字子邃神武第四子河清三年謚靖翼

彭城王浟字子深神武第五子河清二年爲盜所害

謚景思

上黨王渙字敬壽神武第七子與永安王同被殺乾明元年謚剛肅

襄城王清一名消神武第八子乾明二年謚景

高陽王湜神武第十一子乾明初謚康穆

博陵王濟神武第十二子天統五年以言語不倫後主陰使人殺之謚文簡

漢陽王洽字敬延神武第十五子乾明元年謚敬懷河南王孝愉字正德文襄長子爲武成所毒謚康獻

一 謚康舒

蘭陵王長恭一名孝瓘文襄第四子謚武

瑯琊王儼字仁威武成第三子後主忌而殺之謚恭  
哀帝

北齊諸臣謚

尚書太僕射兼侍中贈太保冀州刺史藍田縣公高  
德正渤海人故魏征虜將軍顥之子宣武初以讒見  
殺神武執政時謚康

御史中尉贈大司馬太尉錄尚書事定州刺史竇泰

字世寧太安捍殊俗神武西征以中尉從爲周文所襲自殺謚武貞

定州刺史贈假黃鉞太師太尉太原王婁昭代郡平城人神武執政時謚武

揚州刺史贈尚書令肅空公蔡雋字景彥廣寧石門人神武執政時謚威武

幽州刺史贈司空尉長命太安狹那人神武時謚武壯

常山公府參軍贈涇岐幽三州軍事集中縣侯尉興

字興敬長命子從神武攻周文帝於邙山中流矢卒  
謚閔莊

山東大行臺大都督贈太尉段榮字子茂武威姑臧  
人神武秉政贈謚昭景

左丞相贈假黃鉞相國太尉錄尚書事朔州刺史廣  
平郡公段韶字孝先榮子武平二年謚忠武

征虜將軍散騎常侍李系趙郡栢人武定六年卒  
齊初贈平東將軍北徐州刺史謚文

司徒右長史贈青州刺史李繪字景文系族謚景



太子家令贈北徐州刺史李緯字乾景繪弟謚文

尚書右僕射開府儀同三司贈司徒公鉅鹿侯魏蘭  
根字蘭根鉅鹿下曲陽人神武執政時謚文宣

左光祿大夫齊州刺史贈司空尚書左僕射魏收字  
伯起小字佛助蘭根族姪武平二年謚文貞

太傅贈太師開府錄尚書事孫騰字龍雀咸陽石安  
人神武執政時謚文

晉州刺史驃騎大將軍贈司空房謨字敬放河南洛  
陽人文襄時謚文惠

魏濟陰內史齊贈度支尚書陳終德廣宗人以子元康貴追謚貞

散騎常侍贈司空陳元康字長猷終德子文襄之難被害謚文穆

尚書右僕射贈開府儀同三司尚書左僕射青州刺史薛琚字曇珍代人魏徐州刺史彪子之子顯祖文宣天保初謚威恭

兗州刺史開府儀同三司叱列平代郡西部人天保初謚莊惠

故魏征南將軍給事黃門侍郎齊贈使持節侍中都  
督殷滄二州諸軍事車騎大將軍儀同三司仍殷州  
刺史李騫字希義趙郡平棘人天保初謚文惠  
太宰章武郡王庫狄干無善人天保中謚景烈

太常卿都督贈侍中開府儀同三司冀州刺史乘氏  
縣子高季式字子通渤海蓆人魏樂城侯翼之子天  
保四年謚恭穆

大司馬贈假黃鉞相國太宰太師朔州刺史安德郡  
上韓軌字伯年太安狄那人文宣時謚肅武

太尉贈太師太尉懷州刺史須昌縣公司馬子如字  
遵業河內溫人文宣時謚文明

祠部尚書贈開府儀同三司中書監溫縣伯司馬子  
瑞子如兄纂之子謚文節

尚書右僕射儀同三司贈開府儀同三司尚書左僕  
射定州刺史崔暹字季倫博陵安平人天保十年謚  
貞節

七兵尚書贈都督滄州刺史昌陽縣伯可朱渾元字  
通元遼東人謚恭武

南汾州刺史贈大司馬司徒公尚書令劉豐字豐生  
普樂人謚忠武一單謚忠

滄州刺史贈尚書令司徒公太傅廣川縣公破六韓  
常字保年單于之裔謚忠武

儀同三司右僕射封子繪字仲藻魏太保封隆之子  
世祖武成河清三年謚簡

太子少保左光祿太夫儀同三司兗州刺史贈開府  
儀同三司中書監北豫州刺史鄭述祖字恭文滎陽  
開封人後王元統元年謚平簡

秘書監贈右僕射張曜字靈光上谷昌平人天統初  
謚貞簡

太師左丞相贈假黃鉞相國太尉公咸陽郡王斛律  
金朔州敕勒部人天統二年謚武

右丞相錄尚書事贈假黃鉞相國太尉錄尚書十二  
州諸軍事朔州刺史安定郡王賀拔仁字天惠無善  
人後主武平元年謚武

膠州刺史贈使持節楊郢二州軍事開府儀同三司  
尚書右僕射揚州刺史杜弼字輔玄中山曲陽人武

平元年謚文肅

銀青光祿大夫贈大理卿濟州刺史武成公崔瞻字彥通清河東武城人武平初謚文

書侍御史兼太府卿贈儀同三司宋游道廣平人武平中以子士素久典機密謚貞惠

給事黃門侍郎儀州刺史贈司空公尚書左僕射冀州刺史和安信都臨漳人以子士開貴幸謚文貞

侍中左僕射贈假黃鉞十州諸軍事右丞相太宰司徒公錄尚書事和士開字彥通以佞見幸武平時爲

琅邪王儼等所誅謚文定

趙州刺史贈司空公尚書左僕射瀛州刺史胡長榮  
安定臨涇人魏安陽宣侯虔之子後主時謚文貞  
贈特進開府儀同三司中書監元暉魏昭成帝五世  
孫以子文遙貴且有孝行追謚孝

北恒雍二州刺史贈司空常亭縣侯賀若統河南洛  
陽人其先漢北人謚哀

殷中尚書監瀛州事儀同三司贈中書監北豫州刺  
史陽斐字叔鸞右北平無終人謚簡一謚敬簡



侍中太子太師贈司徒公錄尚書事徐之才丹陽人  
善醫術謚文明

揚州刺史贈司空冀州刺史盧勇字季禮范陽涿人  
謚武貞

南鉅鹿太守贈南兖州刺史崔伯謙字士遜博陵安  
平人謚懿

都官尚書贈司空平鑒字明遠燕郡薊人謚文  
廷尉少卿贈光州刺史宋世軌西河介休人謚平  
中書令開府待詔文林館贈齊州刺史尚書左僕射

崔劼字彥玄故魏司徒光之子謚文貞

給事黃門侍郎侍中散騎常侍兼御史中丞贈吏部尚書并州刺史王松年太原晉陽人魏寧南將軍慧龍之元孫謚平

吏部郎中陸卬字雲駒代人魏安北將軍相州刺史子彰之子謚文

鄭州刺史贈驃騎大將軍和州刺史朗基字世業中山人謚惠

東南道行臺開府燕國公贈太尉慕容紹宗慕容晃

第四子謚景惠

後周帝后謚

德皇帝姓宇文名肱代郡武川人其先世爲鮮卑君  
長肱以武成初追謚德皇帝

太祖文皇帝名泰肱之少子魏恭帝元年位太師大  
冢宰其年薨謚文公孝閔受禪追尊爲文王武成元  
年追尊爲文皇帝 叱奴皇后代人武帝建德三年  
崩謚宣

孝閔皇帝名覺文帝第三子魏恭帝之三年冬受禪

明年爲宇文護所弑謚孝閔

世宗明皇帝名毓文帝長子以孝閔元年九月卽位  
武成二年崩謚明 獨孤皇后太保衛公信之長女  
謚敬

高祖武皇帝名邕文帝第四子武成二年卽位宣政  
元年崩謚武 阿史那皇后突厥可汗俟斤之  
女隋開皇二年殂謚成

宣皇帝名贊字乾伯武帝長子宣政元年六月卽位  
尋傳位於靜帝二年崩謚宣 楊皇后名麗華隋文

帝之長女隋興欲奪其志誓不許

靜皇帝名衍宣帝長子大定元年二月遜於隋隋開  
皇元年遇害謚靜

後周宗室謚

邵公顥太祖長兄保定初追謚惠

惠王子什肥保定初謚景

惠王子都督晉公護天和六年以專權見殺建德三  
年追謚蕩

惠王子大將軍大都督國公導魏恭帝元年謚孝

導子陝州總管太保幽國公廣字乾歸武帝時謚文  
廣弟西陽郡公翼字乾宣謚昭

杞公連太祖次兄保定初追謚簡  
連子杞國公光寶保定初追謚烈

莒公洛生太祖第三兄保定初追謚莊

洛生子莒公菩提保定初追謚穆

虞公興太祖從弟天和二年謚靖

廣川公測字澄鏡太祖族子大統十年太祖執政謚

靖

安化公深測弟保定時謚成康

宋公震太祖子保定元年追謚獻

衛王直太祖子武帝時以反誅謚刺

齊王憲太祖第五子大象初以忌見縊追謚煬

趙王招太祖子以謀誅隋文見殺謚僭

譙王儉太祖子爲隋文所害謚孝

陳王純太祖子大象二年爲隋文所害謚惑

越王盛太祖子大象二年爲隋文所害謚野

代王達太祖子大象二年爲隋文所害謚異

冀王通太祖子大定中爲隋文所害謚康

滕王適太祖子大象二年爲隋文所害謚聞

紀王康字乾安孝閔子建德五年以有異謀賜死謚厲

畢王賢字乾陽大象二年謀除隋文見害謚刺

後周諸臣謚

前軍大都督贈定冀等十州諸軍事定州刺史太宰  
錄尚書事瑯琊公賀拔勝字破胡神武尖山人大統  
十年文帝執政謚貞獻



都督二雍二岐四梁三益巴三夏蔚寧涇二十州諸  
軍事贈侍中太傅錄尚書事都督關中三十州諸軍  
事大將軍雍州刺史霍國公賀拔岳勝弟永熙二年  
爲齊神武所害謚武壯

都督秦渭原涇四州諸軍事秦州刺史念賢字益盧  
屯留人謚昭定

東雍州刺史贈太尉尚書令雍州刺史廣平郡公梁  
禦字善通其先安定人後家武川大統四年文帝執  
政謚武昭

贈驃騎大將軍太尉尚書令松陽郡公冠洛上谷昌平人大統五年文帝執政謚武

雍州刺史扶風郡公贈太尉都督相冀等十州刺史王羅京北霸城人大統七年謚忠

太傅開府儀同三司蔡郡公王盟其先樂浪人後家武川明德皇后之兄大統十一年謚孝定

都督贈使持節太尉尚書令十州諸軍事雍州刺史追封咸陽郡王王勣盟子文帝執政時謚忠武

開府侍中涇州刺史河間郡公三德字天恩代武川

人大統十四年謚獻

驃騎大將軍開府儀同三司固安公韋祐字法保京兆山北人大統末歿于陣謚莊

宜州刺史贈柱國大將軍原州都督懷寧郡公蔡祐字承先高平人文帝時謚莊

東雍州刺史贈長廣郡公太尉劉亮中山人文帝執政謚襄

司空贈秦州刺史長樂郡公若干惠字惠保代郡武川人文帝執政謚武烈

東西北三夏州諸軍事夏州刺史贈華州刺史樂陵  
郡公怡峯字景阜遼西人文帝執政謚襄威

太子少傅車騎大將軍儀同三司散騎常侍贈冀州  
刺史孟信字修仁廣川索盧人文帝時謚戴

使持節太保柱國大將軍大都督大宗伯趙郡公李  
弼字景和遼東襄平人明帝初謚武

戶部中大夫驃騎大將軍開府儀同三司贈太子少  
師蒲州刺史清河縣公裴俠字嵩和河東解人明帝  
武成元年謚貞

都督金興等六州諸軍事金州刺史贈大將軍華洛等三州刺史上洛郡公泉仲遵上洛豐陽人武成初謚莊

贈柱國大將軍太傅長樂郡公尉遲俟兜代人武成初追謚定

大司空贈太保吳國公尉遲綱俟兜子天和四年謚武

秦州總管贈太僕丞七州諸軍事盧國公尉遲運綱子大象元年謚忠

大將軍宜州刺史范陽郡公盧辨字景宣范陽涿人  
明帝時謚獻

虞州刺史行陝州總管府長史燕郡公盧光字景仁  
辨弟武帝時謚簡

柱國夏州總管贈涼瓜等十州諸軍事涼州刺史追  
封鄯國公長孫儉其先代人魏北平王嵩五世孫明  
帝時謚文

侍中驃騎大將軍開府儀同三司贈岐宜二州刺史  
平齊縣公韋瑱字世珍京兆杜陵人明帝時謚惠

言  
驃騎大將軍開府儀同三司平陽縣公達奚寔河南  
洛陽人高祖武帝保定初謚恭

總管梁興等十九州諸軍事梁州刺史贈虞陝華上  
潞五州刺史楊寬字蒙仁弘農華陰人保定初謚元  
大將軍贈成文等八州刺史冠軍縣公楊紹字子安  
弘農華陰人保定二年謚信

驃騎開府儀同三司贈定瀛冀三州諸軍事冀州刺  
史西安縣子冠雋字祖雋上谷昌平人保定三年謚  
元

魏樓煩郡守周贈散騎常侍征西大將軍涼州刺史  
史遵建康袁氏人以子寧貴追謚貞

荊州刺史荆襄浙郢等五十二州江陵鎮防諸軍事  
史寧字永和保定三年謚烈

使持節柱國大將軍大都督少傅彭城公侯莫陳崇  
字尚樂代郡武川人保定三年爲晉公護所殺初謚  
竦護誅改謚莊閔

使持節大將軍大都督岐州諸軍事岐州刺史武威  
郡公王雄太原人保定四年謚忠



使持節驃騎大將軍開府儀同三司大都督昌歸憲  
三州諸軍事昌州刺史贈大將軍五州刺史靜安郡  
公席固字子堅其先安定人保定四年謚肅

使持節大將軍大都督荊州諸軍事荊州刺史博陵  
公賀蘭祥字盛樂其先與魏俱起後家武川保定四  
年謚景

岐州刺史贈太保同鄜等十州諸軍事同州刺史楚  
國公豆盧寧字永安昌黎徒何人保定五年謚昭  
隴右總管府長史贈少保幽冀等五州諸軍事幽州

刺史沃野縣公豆盧永恩寧弟保定時謚敬

使持節大將軍大都督雍七州諸軍事雍州刺史高陽侯達奚武字成興代人保定五年謚桓

大將軍贈都督揚州刺史清寧郡公梁椿字千年代人保定時謚烈

安應等十二州諸軍事安州刺史樂昌縣公郭賢字道因趙興陽州人高祖天和元年謚節

眉復二州刺史持節驃騎大將軍開府儀同三司贈絳晉建州刺史冠軍公裴果字戎昭河東聞喜人天

言  
和二年謚質

太保贈大傅許國公宇文貴字永貴其先昌黎大棘人天和二年謚穆

都督中州刺史贈大將軍五州諸軍事新義郡公韓雄字木蘭河南東垣人天和三年謚威

使持節柱國大將軍大都督大司空常山公于謹字思敬其先代人天和三年謚文

贈使持節柱國大將軍大都督十州諸軍事原州刺史西河郡公李賢字賢和隴西成紀人天和四年謚

桓

開府儀同三司贈上大將軍襄陽公李端字永貴賢  
子高祖時鄴城戰歿謚果

使持節大將軍大都督陽平公李遠字萬歲賢弟建  
德元年謚忠隋開皇初改謚懷

右二軍總管贈使持節柱國大將軍同華等五州刺  
史廣城郡公段永字永賓其先遼西石城人天和四  
年謚基

大將軍西寧州刺史贈四州刺史琅琊公司馬裔字

遵胤河內溫人天和五年謚定

兖州刺史贈豫州刺史司馬侃字道遷齊子天和時謚惠

使持節成州諸軍事成州刺史贈大將軍揚州刺史劉志弘農華陰人天和五年謚文

少師安豐郡公庫狄峙其先遼東人天和五年謚定小宗伯博平縣侯申徽字世儀魏郡人天和時謚章華州刺史贈少傅都督司豫洛相冀五州諸軍事司州刺史鄭偉字子直滎陽開封人天和六年謚肅

柱國江陵副總管贈五州諸軍事冀州刺史隸馬鄆  
公高琳字季珉其先高句麗人天和六年謚襄

少保贈涇岐燕三州刺史三水縣侯韓褒字弘業其  
先潁川潁陽人後家昌黎天和七年謚貞

左僕射兼侍中監著作領太子詹事贈大將軍大都  
督岐宜寧豳四川諸軍事岐州刺史趙善字僧慶天  
水南安人大統九年從戰芒山爲敵所獲卒於東魏  
高祖建德初以子詢表請謚敬

中州刺史贈大將軍武都郡公賀若敦河南洛陽人

爲晉公護所殺建德初追謚烈

大將軍贈四州諸軍事鄜州刺史彭城縣公令狐整  
字延保敦煌人建德二年謚襄

大將軍贈金州總管安康郡公李遷哲字孝彥安康  
人建德三年謚莊武

使持節能和忠三州宗德等十三防諸軍事大將軍  
贈摩竭等五州刺史安平縣公崔說博陵安平人建  
德四年謚壯

崔說本名士約賜姓宇文名說

隨州刺史贈交渭二州刺史長樂縣子皇甫璠字景瑜安定三水人建德時謚恭

荊州刺史總管十七州諸軍事贈河渭鄯三州刺史千金郡公權景宜字暉遠天水顯親人高祖武帝時謚恭

陝州總管府長史襄城縣伯梁昕字元明安定烏氏人武帝時謚貞

計部下大夫開府儀同三司贈涇寧豳三州刺史朝那縣伯梁榮昕弟謚靜



汾州刺史贈使持節大將軍譙廣復三州刺史臨貞  
公楊敷字文衍弘農華陰人在州爲齊將段孝先所  
禽以憂卒武帝時以子素陳請謚忠壯

少司空贈鄭梁北豫三州刺史鄭道邕字孝穆一名  
孝穆字道和滎陽開封人武帝時謚貞隋改謚文

少傅蔡陽郡公蕭撫字智遐蘭陵人梁武弟之子武  
帝時謚襄

基州刺史贈大將軍封文城郡公薛端字仁直河東  
汾陰人謚質

武威少府贈三司刺史博平縣公薛善字仲良端族  
曾孫武帝以善告齊輒享謚謬

小宗伯贈柱國大將軍長孫紹遠字士師代人武帝  
時謚獻

玉壁總管贈柱國義門郡公長孫澄字士亮紹遠弟  
謚簡

江州刺史贈使持節上開府儀同大將軍曹徐譙三  
州刺史燉煌郡公李基字幼和遠子宣帝宣政元年  
謚孝

大司空涇州總管贈太尉上庸郡公陸騰字顯聖代人宣政元年謚定

贈柱國太保都督徐兗等十州諸軍事徐州刺史隋國公楊烈弘農華陰人卽隋高祖之曾祖靜帝時謚康

贈柱國太傅都督陝蒲等十三州諸軍事同州刺史隋國公楊禕卽隋高祖之祖靜帝時謚獻

徐兗等十一州五鎮諸軍事徐州總管行軍元帥贈太傅十二州諸軍事雍州牧韋孝寬字叔裕京兆杜

陵人魏右將軍旭之子靜帝時謚襄

驃騎大將軍開府儀同三司納言京兆尹贈柱國五  
州刺史追封河南郡公韋總字善會孝寬子武帝時  
東征戰歿謚貞

上柱國涇州總管贈七州諸軍事河州刺史追封鄂  
國公王傑金城人靜帝大象元年謚威

江陵總管魯陽郡公陽雄字元畧上洛邑陽人大象  
元年謚懷

驃騎大將軍開府儀同三司隋贈禮部尚書武陽公

高賓渤海裔人隋開皇中以子頴佐命功謚簡

御伯中大夫贈虞絳二州刺史昌國縣伯趙珙天水

西人謚貞

太僕衛尉卿汾北華瀛三州刺史驃騎大將軍開府

儀同三司永富縣公竇善扶風平陵人謚忠

司宗中大夫兼內史贈小宗伯唐瑾字附璘姑臧人

謚方

驃騎大將軍開府儀同三司浙州刺史贈虞州刺史

郃陽伯薛寘河東汾陰人謚理

渠州刺史贈忠浙涿三州刺史浮陽郡公趙剛字僧  
慶河南洛陽人謚成

驃騎大將軍開府儀同三司贈大將軍平州刺史肥  
城公侯植字仁幹其先上谷人謚節

軍司馬平陽縣伯李彥字彥士梁郡下邑人謚敬

隋帝后太子謚

太祖武元皇帝弘農華陰人姓楊名忠仕周爲涇州  
總管封陳留郡開國公薨謚桓公開皇元年追謚爲  
武元皇帝 呂皇后字苦桃開皇元年追謚元明

高祖文皇帝名堅武元子仕周位相國封隋王以大  
定元年受周禪仁壽四年爲廣所弑謚文 獨孤皇  
后名伽羅河南洛陽人周大司馬衛公信之女仁壽  
二年崩謚獻

煬皇帝名廣文皇第二子以仁壽四年弑父自立大  
業十三年被弑江都謚煬 蕭皇后後梁明帝歸之  
女煬帝敗沒於竇建德後義成公主在突厥遣使相  
迎又入虜廷貞觀四年歸二十一年崩葬煬帝陵謚  
愍

唐元後建煬帝為號見新志卷四

恭帝名侑元德太子之子大業十三年卽位改元義  
寧二年遜於唐封爲鄒國公武德二年崩謚恭  
煬帝太子昭大業二年謚元德子侗立追尊爲孝成  
皇帝

隋宗室謚

義成公處綱文帝族父卒於秦州總管謚恭

蔡王整文帝次弟受禪後追謚景

滕王瓚字恒生文帝弟開皇十一年以鳩薨謚穆

道王嵩文帝弟受禪後追謚宣



嵩嗣子靜本滕穆王子謚悼

衛王爽字師仁文帝弟文帝時謚昭

秦王俊文帝子謚孝

隋諸臣謚

上柱國大左輔贈燕國公于寔字賓實河南洛陽人  
其先代人後周常山公謹之子文帝開皇元年謚安  
太尉贈六州諸軍事蒲州刺史于翼字文若寔弟開  
皇三年謚穆

熊州刺史黎陽郡公于璽字伯符翼子謚靜

上柱國漳州總管贈豫州刺史于義字慈恭翼弟謚  
剛

上柱國大將軍贈司徒李和朔方人開皇二年謚肅  
周上柱國太安郡公隋贈司空七州諸軍事荊州刺  
史閻慶字仁度河陰人開皇二年謚成

上柱國隴西郡公李詢字孝詢隴西成紀人開皇初  
謚襄

太師中書公李穆字顯慶詢從父開皇六年謚明

幽州總管廣德縣公李崇字永隆詢弟開皇初與突

厥戰没于陣謚壯

大將軍曹州刺史柳裘字茂和河東解人開皇初謚  
安

廣州總管贈上柱國襄陽郡公韋洸字世穆世康兄  
開皇初與番禺夷戰陣歿謚敬

營州總管魏興郡公韋藝字世文洸弟文帝時謚懷  
汴州刺史并陘侯韋師字公穎京兆杜陵人文帝時  
謚定

冀州刺史贈大將軍青州刺史建安郡公柳機字匡

時河東解人文帝時謚簡

贈上柱國太尉八州諸軍事青州刺史齊郡公呂雙  
周文帝外祖其族微不知何許人開皇初追謚敬  
贈使持節太尉上柱國六州諸軍事定州刺史越國  
公獨孤庫雲中人開皇初追謚恭

使持節柱國太師上柱國十州諸軍事冀州刺史趙  
國公獨孤信庫之子開皇初追謚景

上柱國左武衛大將軍蜀國公獨孤羅字羅仁雲中  
人獨孤后異母兄大業初謚恭

大將軍汲郡公崔猷字宣猷博陵安平人開皇四年  
謚明

太傅贈八州諸軍事冀州刺史樂陵縣公竇熾字光  
成扶風平陵人開皇四年謚恭

定州總管贈襄陽等六州刺史竇毅字天武熾兄子  
開皇二年謚肅

故魏太學博士鎮遠將軍隋贈定州刺史安平公李  
敬族博陵安平人開皇五年以子德林貴追謚孝

懷州刺史贈大將軍廉州刺史安平郡公李德林字

公輔開皇時謚文

右武衛大將軍贈冀州刺史陳國公竇榮定扶風平陵人開皇六年謚懿

衛州刺史元亨一名孝才字德良故魏宗室開皇八年謚宣

上柱國夏州總管楚國公豆盧勣字定東昌黎徒河人開皇十年謚襄

漢王府主簿儀同三司贈大將軍正義縣公豆盧毓字道生勣次子爲漢王諒所害大業初謚愍

洪州總管南陳郡公豆盧通字平東勳弟文帝時謚  
安

上柱國岐州刺史沛國公鄭譯字正義滎陽開封人  
開皇十一年謚達

洛州刺史辛彥之隴西狄道人開皇十一年謚宣  
相州刺史贈亳州刺史樊叔畧陳留人開皇十四年  
暴卒謚襄

左光祿大夫東都留守贈開府儀同三司濟公樊子  
蓋字華宗廬江人開皇中謚景

上柱國益州總管蔣國公梁睿字持德安定烏氏人  
周京雍州刺史崇之子開皇十六年謚襄

晉王府長史贈大將軍安成郡公袁憲字德章陳郡  
陽夏人陳僕射拒之弔開皇十八年謚簡

荊州總管贈大將軍上庸郡公章世康京兆杜陵人  
開皇時謚文

信州總管義陽郡公皇甫績字功明安定朝那人開  
皇時謚安

柱國延州總管贈上柱國平昌郡公王慶字興慶太



原祁人開皇時謚壯

行軍總管長廣郡公杜整字皇育京兆杜陵人開皇時謚襄

鎮南大將軍廣州都督贈上開府儀同三司歸仁縣公王猛本名勇字世雄瑯琊臨沂人文帝仁壽元年謚成

潭州總管文安縣子張奩字文懿清河東武城人仁壽中謚莊

周司成中大夫典國史虞鄉公隋贈滄州刺史張羨

河間鄭人文帝時謚定

國子祭酒何妥字栖鳳西城人後家蜀之郫縣文帝時謚肅

吏部尚書襄陽公長孫平字處均其先代人文帝時謚康

行軍總管贈上柱國冀州刺史王述字長述京兆霸城人文帝時謚莊

毛恒二州刺史滑國公韋壽字世齡京兆杜陵人周徐州總管孝寬之子文帝時謚定

左衛武大將軍贈司空觀國公田仁恭字長貴高平  
人文帝時謚敬

太子太傅岐國公斛斯徵字士亮廣牧富昌人魏太  
傅文宣公之子謚閭

初隋文爲大司馬有外姻喪徵就事久而不出  
徵怒去之隋文以此懷恨至是詔所司謚曰閭  
相州刺史贈冀定瀛青四州刺史梁彥光字脩芝安  
定烏氏人文帝時謚襄

魏州刺史元暉字叔平故魏宗室文帝時謚元

涇州刺史洵陽郡王元矩字孝矩故魏宗室謚簡  
行軍總管贈梁州總管元景山字寶岳故魏宗室文  
帝時謚襄

原州總管比陽公龐晃字顯榆林人文帝時謚敬  
柱國寧州刺史趙郡公李安字玄德隴西狄道人文  
帝時謚懷

蒲州刺史高都公楊尚希弘農人文帝時謚平

雲州總管贈懷魏等四州刺史鉅鹿郡公賀婁子幹  
字萬壽代人文帝時謚懷

上柱國壽襄二州總管濟北郡公周搖字世安河南洛陽人文帝時謚恭

戶部尚書右光祿大夫正平郡公楊文恩字溫仁弘農華陰人煬帝大業初謚定

荊州總管上明郡公楊紀字溫範文恩弟謚恭

楊校左翊衛大將軍贈司徒襄國等十郡太守觀王楊雄弘農華陰人大業初謚德

雄卒有司請謚曰懿煬帝曰王道高雅俗德冠生靈乃謚曰德

右武衛將軍左光祿大夫贈吏部尚書始安侯楊達  
字士達雄弟煬帝時謚恭

淄州刺史公孫景茂字元蔚河間阜城人大業初謚  
康

石州刺史趙仲卿河南洛陽人周浮陽剛公子大業  
初謚肅

并州總管司馬贈柱國弘義公皇甫誕字玄慮安定  
三水人大業初漢王諒謀反抗節遇害謚明

右武侯大將軍贈柱國右翊衛大將軍義寧郡公周

羅暉字公布九江潯陽人大業初謚壯

司徒楚公楊素字處道弘農華陰人大業二年謚景武

東都居守攝左候衛將軍饒陽縣子長孫熾字仲光其先代人大業六年謚靜

上大將軍右光祿大夫奇章公牛弘字里仁安定鶉觚人大業六年謚憲

光祿大夫贈左衛大將軍真定侯郭衍字彥文太原介休人大業七年謚襄

左候衛大將軍贈光祿大夫尚書右僕射北平公  
文振北海期原人大業七年謚襄

右光祿大夫兼左翊衛將軍贈尚書右僕射光祿大  
夫儀隴縣侯元壽字長壽河南洛陽人大業七年謚  
景

金紫光祿大夫安平郡公宇文愷字安樂其先昌黎  
大棘人徙居夏州大業中謚康

右領軍大將軍贈大將軍安陽縣公崔彭字子彭博  
陵安平人大業時謚肅



南海太守昇平郡公侯莫陳穎字遵道代武川人周  
大司徒崇之子大業時謚定

長平太守汝陽郡公獨孤楷字脩則不知何許人本  
姓李氏大業時謚恭

左屯衛大將軍贈光祿大夫武安侯張定和字處謚  
京兆萬年人大業時謚壯武

右光祿大夫贈武威大將軍譙郡公周法尚字道邁  
汝南安成人大業末謚僖

右候衛大將軍贈兵部尚書蒲城郡公郭榮字長榮

太原人大業末謚恭

秘書監贈大將軍漢南縣公柳誓字顧言河東人大業時從幸揚州卒謚康

左屯衛大將軍贈光祿大夫宿國公麥鉞杖始興人大業時遼東之役戰而死謚武烈

虎賁郎將贈左光祿大夫右屯衛將軍武彊侯錢士雄與麥武烈同死謚剛

右衛大將軍開府儀同三司贈司徒尚書令十郡太守許國公宇文述字伯通代郡武川人大業時謚恭

朝請大夫尚書兵部郎贈柱國戶部尚書黎陽郡公  
馮慈明字無佚信都人大業十三年爲賊黨翟讓所  
害越王侗謚壯武

右屯衛將軍獨孤盛本姓李仕周賜今姓不知何許  
人字文化及之亂爲亂兵所害越王承制贈光祿大  
夫紀國公謚武節

通議大夫給事郎贈光祿大夫高陽縣公許善心字  
務本高陽北新城人謚文節

善心在陳朝對策高第陳亡號泣盡哀後仕隋

爲宇文化及所殺越王承制贈官加謚

上柱國荊州總管三十六州諸軍事成安郡公達奚長孺字富仁代人謚威

左光祿大夫贈驃騎大將軍光祿勳齊州刺史清泉侯李彬謚獻

千乘縣尹蕭琅謚信公